

viros, Dominum Nicolaum Decanum, et Magistrum Laurentium canonicos ecclesie vpsaliensis metropolitane nostre quemlibet eorum in solidum ita vt non sit melior conditio occupantis ad representandum de nostro et ecclesie nostre nomine coram Sanctitate Vestra et ad exponendum damna grauamina et inportabilia onera que obuenerunt obueniunt et obuenire possunt nobis et prefate ecclesie vpsalensi pro eo et ex eo et ea occasione et causa, quod lundensis archiepiscopus contra nos et ecclesiam vpsalensem jus vendicat et uendicare nititur primacie, asserens quod vpsalensis electus, confirmationem a lundensi archiepiscopo consecracionem et eciam pallium recipere teneatur. Et ad supplicandum Sanctitati Vestre quatinus compacientes nobis et ecclesie nostre vpsalensi apponere dignemini remedium oportu- num vt dicta vpsalensis ecclesia occasione huiusmodi vltorius non grauetur. Damus insuper dictis procuratoribus et cuiuslibet eorum in solidum potestatem in animas nostras et cuiuslibet nostrum prestandi de calumpnia et de veritate dicenda et cuiuslibet alterius generis iuramentum, Restitucio- nem in integrum principaliter et incidenter semel et pluries petendi et fa- ciendi in predictis et circa predicta quidquid nos ipsi facere possemus si presentes essemus. In predictis autem omnibus et singulis alium seu alios procuratores semel et pluries substituendi qui eandem in omnibus habeant potestatem et in se ipsos procuracionis officium resumendi quo- ciens eis et eorum cuiuslibet videbitur expedire promittentes sub ypotheca et obligacione omnium bonorum nostrorum, nos ratum gratum ac firmum perpetuo habituros, quidquid per dictos procuratur, et eorum quemlibet substitutum seu substitutos ab eis et eorum altero actum, gestum et pro- curatum fuerit in premissis et circa premissa. In cuius rei testimonium pre- sentes litteras fieri fecimus et sigillorum nostrorum munimine roborari. Da- tum apud feringø. XVI^o kalendas Julij.

Biskopens sigill, skadadt finnes; af Dom-Capitlets, på en ur brefvet skuren remsa, blott ett litet stycke kvar.

996.

1289. d. 1 Juli.

Strengnäs.

Konungen MAGNUS Is Fastebref på Ekeby, hvilket Riddaren Werner Brunke försält till Biskop Anund i Strengnäs.

A. 3. g. 2. 14.

Uniuersis christi fidelibus presentes litteras inspecturis. Magnus dei gra- cia sweorum Gotorumque rex. Salutem in domino ihesu christo, Coram vniuersitate vestra tenore presencium recognoscimus dilectum fidelem no- strum & militem. dominum wernerum dictum Brunkæ predium dictum Eke- by videlicet quindecim sollidos terre cum dimidio venerabili patri domino Anundo strengnensi Episcopo pro triginta marchis denariorum & vna vsualis

monete, nobis presentibus & consentientibus, legaliter vendidisse. Ex cuius liberalitate sibi dictum predium scotatum fuerat perpetualiter & collatum. Quam quidem summam pecuniæ sibi integraliter numeratam & solutam esse coram nobis recognovit. Nos itaque dictum predium eidem Episcopo & suis successoribus auctoritate presencium perpetualiter confirmamus, obligantes nos & heredes nostros ad quittandum, tuendum & liberandum ab impetitione cuiuscunque. In cuius rei testimonium, sigillum nostrum presentibus duximus appendendum. Datum strenghes Anno domini .M°.CC°.LXXX°. Nono Kal. Julij.

Sigillet bortfallet, remsan qvar.

997.

1289. d. 3 Jul.

Riati.

Påfven NICOLAUS IV:s skrifvelse till Ärke-Biskopen Johannes i Lund rörande öfverlemnandet af Pallium till Ärke-Biskop Magnus i Upsala.

F. 1. 330. An. 2. Ep. 303.

Nicolaus IV. Archiepiscopo Lundensi mittit Pallium tradendum Vpsalensi Archiepiscopo.

Nicholaus &c. Venerabili Fratri Johanni Archiepiscopo Lundensi Saluten &c.
 Cum palleum insigne videlicet Pontificalis officii ad usum persone dilecti filii Magni Vpsalensis Electi per dilectum filium Petrum Agnetis Lundensem Canonicum Nuntium tuum cum ea, qua decet fuerit instantia postulatum, et Ecclesie Lunden. fuerit ab apostolica Sede concessum, ut Archiepiscopus Lundensis. qui pro tempore fuerit palleum a Sede apostolica transmittatur de manu eius ab ipso Vpsalensi Electo, qui eidem Archiepiscopo Lundensi jure primatie subesse dinoscitur, assumendum. Nos ejusdem Petri postulationibus annuentes per eum dictum palleum de corpore B. Petri sumptum tibi derigimus prefato Electo in Archiepiscopum consecrato juxta formam privilegiorum eidem Ecclesie Lunden. a Sede apostolica concessorum ex parte nostra fideliter assignandum. Quocirca Fraternitatem tuam monemus attente, per apostolica tibi scripta mandantes, quatinus illud assignes prefato Electo sub predicta et ea forma, quam sub Bulla nostra tibi mittimus interclusam, et ab ipso nomine nostro, et Ecclesie Romane sub forma, quam tibi sub eadem Bulla dirigimus fidelitatis solite recipias juramentum. Formam autem juramenti, quod ipse prestabit de verbo ad verbum per ipsius patenses litteras suo sigillo signatas per proprium Nuntium quantocius studeas destinare. Ceterum non intendimus, quod per hoc tibi, vel Ecclesie tue novum jus aliquod acquiratur, vel predictæ Vpsalensis Ecclesie in prosecutione sui juris Si quod circa premissa sibi competit quo-